

Johtolat- ja gulahallanministerijai

Din cealkámušbivdda 13.12.2024

Hápmosis soahpamuššan Suoma dásseválddi ja Norgga gonagasgotti ráđđehusa gaskkas riikkaidgaskasaš táksejohtolagas geainnu alde

Doaibmi ráji rasttildeaddji johtolat iešguđet johtolatgaskaomiiguin doarju davveguovllu ja rádjeguovllu ealáhusaid ovdáneami ja njuovžilis ovttasbarggu. Sihke mátkkošteaddjiid ja ássiid njuovžilis johtin sierra johtolatgaskaomiiguin ráji rastá lea dehálaš nu fitnodagaid go maiddá rádjegávppige doaimma dáfus. Almmolaččatge ealáhusdoaimma ráddjejeaddji byrokratiija galgá geahččalit garvit ja rádjeeastagiid galgá burgit. Anára ja Ohcejoga gielddat dorjot ovdanbuktojuvvon soahpamuša ja hoahpuhit dan fápmui oažžuma.

Ráji rasttildeaddji táksejohtolaga njuovžilvuoda sihkarastin lea dehálaš guovlluid jovssahahttivuoda dáfus, eandaliige go almmolaš johtolat ii guovllus mánnga sajiin measta oba leatge. Davveguovllu gielddaide, Ohcejohkii, Anáree ja Eanodahkii boahtti áššehasat geavahit mátkkošteapmái maiddá Norgga girdingittiid.

Davvin guovlu ovddiduvvo maiddá turismaguovloollisvuotán, mii lea rájiid rasttildeaddji ja geasuheaddji. Davvi-Lappis turismma guovloorganisašuvdna Lapland North Oy ja Norggas Visit Kirkenes leat soahpan ovttasbarggu čavgema birra. Nu njuovžilis johtin ráji rastá go vejolaš lea guovddáš sajis ja johtolatdárbbut lassánit ovttasbarggu čavgama geažil.

Heivvolaš livččii addit lobi táksejohtolahi Suoma ja Norgga gaskkii nu geabbilitgo go vejolaš. Galggašii leat lohpi buot táksejohtolahi:

- ruovtturiikkas nuppi soahpamušriikii
- soahpamušriikkas ruovtturiikii, unnimustá dalle go sáhttu dingojuvvo dahje jos báikkálaš tákse ii leat oažžumis. Go tákse lea vuossu omd. dolvon áššehasa Suomas Norgii girdingieddá, lea njuovžilvuoda ja nuoskkidangeahpedemiid dáfus dehálaš dahkat vejolažžan ođđa áššehasa fárrui váldima maiddá máhccanmátkái, mii nohká nuppi soahpamušriikii
- mátki nuppi riikka bokte goalmát riikii
- ruovtturiikkas vuolgi ng. riekkesmátki, mas mielde mánnga báikki soahpamušriikkas
- buohcceviesus ruoktot boahtima galgá dahkat vejolažžan maiddá Norggas Supmii ja Suomas Norgii táksesohpamuša mielde

Turismabálvalusfitnodaga bálvaluspáhka oassin dáhpáhuvvi sáhtut Suoma ja Norgga gaskkas leat dehálaččat ráji lagašvuodas doaibmi prográmmabálvalusfitnodagaide.

Eandaliige guovllus galledeaddji riikkaidgaskasaš mátkkošteaddjit dollet rájaid rasttildeaddji tuvrraid Norgii ja Jienameara riddui miellagiddevažžan ja háliidit vásihit iežaset mátkkis árttalaš báikkiid riikkarájiin fuolatkeahhtá. Mátkkošteaddjit johtet ráji rastá goappáge guvlui.

Suopmelaš turismabálvalusfitnodagat fálet iežaset áššehasaide tuvrraid Norgga beallái.

Turismabálvalusfitnodagat geahččalit doalvut áššehasaide ieš ja dat gullá oassin bálvaluspáhkii, muhto maiddá



Anára giella, Piiskuntie 2, 99800 Avvil
ovdanamma,sohkanamma@inari.fi,
inari@inari.fi

www.inari.fi

olggobealat personjohtolatbálvalusaid fáladeddji táksefitnodatdoallit geavahuvvojit sáhtuin. Árvvoštallama mielde davimus Lappis Anára ja Ohcejoga guovlluin leat sullii logenar turismafitnodaga, mat jođihit áššehasaid maiddá ráji rastá Norgii ja dat gullá oassin bálvaluspáhkii. Dáid fitnodagaid doaimma dáfus Norggas fitnama sisttisoalli tuvrrat leat dehálaš boahtogáldut, mat báhcet bajis 2024-25 oaččokeahtá rádjejohtolaga hástalusaid dihte.

Min dihtui leat bohtán dáhpáhusat, main Norgga eiseválddit leat darvában suomelaš fitnodagaid bálvaluspáhkaide gullevaš sáhtuide jos táksejohtolatsoahpamuš lea váilon. Jos johtimis lea eahpesihkkarvuohta, prográmmabálvalusfitnodagat eai sáhte vuovdit bálvaluspáhkaid. Dehálaš lea, ahte táksejohtolatsoahpamuš dahká vejolažžan dan, ahte suomelaš prográmmabálvalusfitnodagat ožžot vuojihit áššehasaidis maiddá Norgga bealde táksejohtolatlobi haga, go sáhtu vuolginsadji lea Suomas. Vástideaddji láhkai norgalaš turismabálvalusfitnodagaid sullasaš vuojihandoibmii sáhtášii addit lobi Suomas.

Anára ja Ohcejoga gielddat sávvat, ahte riikkaid gaskkas sáhtášii jo ovddalgihtii álgit heivehit geavadaga soahpamuša mielde ovdalgo soahpamuš ožžo fápmui.

15.1.2025

Tommi Kasurinen
Anára gielddahoavda

Päivi Kontio
Ohcejoga
gielddahoavda



Anára gielda, Piiskuntie 2, 99800 Avvil
ovdanamma.sohkanamma@inari.fi,
inari@inari.fi

www.inari.fi

Áššegirjji leaba vuolláičállán

Namma	Identifiseren	Áigi
Tommi Kasurinen	Suomi.fi	15.01.2025 15:14:58 UTC+02:00
Päivi Kontio	Suomi.fi	16.01.2025 20:26:08 UTC+02:00



Dát dokumeanta lea elektrovnnalaččat

vuolláičállon Sisdoallu: - Beabmasiidu (1 siidu)
Álgoálgosaš dokumeanta (2 siidu)

Bearbmasiiddu
siiddut 1/1